

Golbiu šuokis

Kėla saulelė ėr ežers bangava,
Mėgla leiduos ėr žemė garāva.
Kažkor tuolėi nosėpronkštė arklīs
Gėlė vaga ons šėndėin varīs.
Vuo parausvintuom ežera bangeliem
Atplauk golbė... baltuoji golbelė.
Narda, prausās spėnduliūs rīta
Balta poiki, mon da nematīta.
Ana ėšskleidusi sparnus pamuojė,
Noplaukė, panėra šieliuojie...
Saulės nošvėistas rasas žibiejė
Mona akīs stebukla regiejė.
Ėr pabėra raselės ont ežerelė
Ėr pastrajėjė baltoujė golbelė.
Sėdabrėnės ašarelės varviejė
Perla karuolius golbė oždiejė...
Saulietekis...
Paukštelė čiolb,
Gelsrausvės bangelės raibolioun,
Berža lapelė jau praskleidė rūka
Kažkor saluo peliedas ūkava.
Rīta ežers ajerās kvepiejė,
Golbėns golbelė līdiejė...
Baltū plunksnu vieduoklė ėšskleidės
Golbėns dailė par ežera leiduos.
Apkabėna golbelė ons sava
Glamuoniejė, mon ruoduos, mīlava
Sosėglaudė snapelės češkiejė,
Kėla porslā ėr ežers mėrgiejė...
Če abodo po vondėns panėra
Sosėpīnosės kaklās ėšnėra‘
Plaukė, sokuos ėr sparnās muosava,
Apkabėnės golbelė ons sava.
Tīlė tīlė nėndrelės šnariejė,
Ož krūmelė pīlelė plerpiejė.
Žvejīs meškerė ėmerkės dar snaudė
Vėsa nakti līdeka ons gaudė.
Saulės spindolė vondenie laigė,
Vuo aplinkou pleštėkės skraidė...
Šalta rūka lašelė drebiejė,
Stebuklingėjė paukštė tėkiejė
Bus dėinelė ėr šelta, ėr poiki
Šuokinies vuoverės ė zoikė,
Kormis dėrvuo auselė krapštīs

Vuo i pēivas vuoratinklē tīs.
Nežēnau ēr soprastē nemuoko
Negalio apsakītē kāp šuoka
Gal rokavuos, gal žaidē,
Gal kažkuo ilgiejuos,
O gal rītmetie onkstēi mīliejuos....